

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷七十二
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷七十二



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技

所享兮儀曹之升議禮稽經日維丞丞兮
帝猷上窺殷周功在剛修兮所積之訖所發之深開陽闔陰
兮正笏垂紳其色閭閻邦之老臣兮媚學躑躅其中枵然何
翅霄淵兮天胡降喪一鑑之亡西國之傷兮其神上征化為
列星寒光晶熒兮下射屏山馬鬣桓桓名在不刊兮

皇明文衡卷之七十一

皇明文衡卷之七十二

神道碑

安定侯程忠愍公神道碑

朱善

初

皇帝念癸卯歲南昌暨康郎山前後死節之臣追爵故萬戶
程國勝安定伯與梁國公趙德勝濟陽郡公丁普郎等一體
廟祀久之又定元功配享

仁祖淳皇帝廟庭諸外有廟念者亦皆賜諭加勳遣使者致
祭有未備禮以墓者官為給之仍敕史臣勒功於神道之碑
於是安定伯之兄吉輔以公嘗駐兵富陽愛其地而公族人
之在杭者適獻兆于縣西長山之廩乃自南昌遷匱而窆焉
臣善謹奉 詔上故贈開國輔運推誠宣力武臣榮祿大夫

柱國安定忠愍侯事曰公諱國勝姓程氏卅居徽之休寧初
名元佐既從軍

上改賜今名其先本陳鎮西將軍開府儀同三司忠壯公靈
洗之後忠壯當侯景之亂保捍州里有功其子散騎常侍威
悼公文季死節于周父子廟食于徽號曰世忠感悼之後其
顯于南者唐御史中丞歙州副統帥潘嘗起鄉兵拒黃巢有
忠壯之風于南節居休寧陪郭甚盛其顯于北者唐六合令
大辯徙中山再徙河南生明道伊川兩夫子靖康末子孫從
居池州再遷徽州陪郭之程互繼其絕譜牒具存可考
也公會祖榮秀仕元為江浙等處儒學提舉妣劉氏追封
城縣君祖文貴宣義郎饒州路德興縣銅冶場提領妣鄭氏
封安人考社至匪末薦為承奉班都知不赴妣吳氏公生

而英偉身長八尺美髯鬚見者知非常人方元政衰所在兵
起公慨然思以自見于世乃與縣人俞茂婺源人汪同等團
結鄉兵以拒寇亂歲丁酉

天兵下徽州衛國公鄧愈發同與公等詣京師

上大悅命同還守婺源而以公等從征伐衛公奏署公為總
管府先鋒分兵與裨將李克魯等徇下方山諸寨是歲十月
苗軍陽完者部兵十萬薄徽州衛公擇勇敢士往當之咸推
公公率百餘人橫戈鼓譟衝之衆皆泮易自相枕籍而統軍
胡大海之兵適至因覆其營生擒其將胡辛等二百人楊完
者僅以身免以功遷管軍總管戊戌正月從擊帖木兒普化
元帥營于婺源正兵方與之戰公率諸奇兵擣之遂殺帖木
兒普化俘士卒千餘人三月從攻嚴州道遇辰鎗謝元帥軍

戰却之遂拔嚴州五月僞吳張士誠與楊完者合兵犯嚴州
公敗其舟師于東門追至大浪灘流矢中股引刀出鏃復戰
勇氣彌厲以功進領軍先鋒己亥五月從衛公畧浙西臨安
大破張寇于閑林寨庚子七月鄱陽院判于光左丞俞椿擊
走僞漢守將辛甲而據之衛公使公往說二人二人遂以饒
州來附饒瀕鄱湖而僞漢主陳友諒方據江州數遣舟師來
爭衛公與光椿連長營拒之令公結陣敵壘之後絕其歸路
賊屢不得志乃引去八月領兵取浮梁僞叅政鄧邦佐棄城
走進趨樂平僞總管蕭乙率五千人營于險隘衆莫敢先登
公以死士持挺魚貫奮擊之奪其壁以入生禽萬戶彭壽等
百人遂取樂平進攻江西十月衛公駐兵臨川之平塘時鄧
克明據撫州遣使通款而實無降意公贊衛公卷甲夜趨比

入其軍克明單騎遁去遂取撫州以功除管軍萬戶壬寅

正月

上親討友諒于江州友諒敗走公從衛公以兵會南昌分定
屬邑癸卯四月有詔

皇姪以大都督總諸將友諒益發境內兵以巨艦來攻

皇姪分兵拒守公守寺步門寇犯之與戰虜其將一人寇兵
奪氣而潰相拒凡八十五日寇兵戴竹盾如篳進薄撫州門
城壞三十餘丈衛公以火銃擊退之隨立木柵敵奮來爭且
戰且築通夕城完公乃與牛海龍乘夜引兵劫賊營海龍爲
流矢所中以死公泗水得脫見

上於金陵具言危困之狀

上得公驚喜進陞萬戶上發舟師二十萬自將之令公率親

兵宿衛帳下與友諒大戰原郎山友諒驍將張定邊奮前直
犯御舟舟適膠淺公仗劍叱之急與帳前左副指揮使韓
城水軍元帥陳兆先駕飛舸左右奮擊會鄂國常公從傍射
中定邊號國俞公疾擢來援舟進水湧御舟遂脫而公等
反遶敵艦之後援兵不接方戰死之時七月戊子也

上聞爲之撫膺大慟親爲文以奠焉公春秋僅三十有一配
汪氏亦死于難追封安定侯夫人公平生喜讀書慕節義居
家孝友凡運籌決勝之方不學而能每戰踴躍率先赴敵矢
石交下意氣自如堅城名寨身至力取一軍無不下之者

上悉其名故有賞賚錦衣名馬必先一軍爲呼矣可謂今蓋
二十五年矣當草昧之時羣雄角逐雖天崩
真生界之爪牙宜力之臣以佐大業而公等委身効命之死

不愧卒之勲載盟府與古英烈之士儷美齊名其高識絕見
則亦有非偶然者矣仰惟

皇上獎忠酬勲度越前古恩禮之頒不一而足又將次第討
論舉行世祿之典書之簡牘垂之後昆實足以勸千萬世爲
人臣者乃序其事而繫之以銘銘曰

魏魏我

皇天錫神武龍興江淮以復平土南征北伐拯世之屯貔虎
之臣疏附駮奔有偉程公萬夫之勇世忠之孫不震不竦維
時江浙蕃爲盜叢大旆東來仗劍以從始佐元戎有聲幕府
遂督偏師孰敢予侮消軍鷗張旣彼長鎗公出戎行其鋒莫
當徽嚴底平饒撫亦下艤艫蔽江牙旗載馮西徇臨安以蹴
僞吳遏彼楚蠻以殿鄱湖

皇念公勳顯有大賚玉馬錦裘異爾諸帥維是楚繇反道不
共窺我豫章如萬里如蜂維公誓言廓清江漢不與賊生背城
以戰維

皇討賊耀兵江干公在扈行左右屢蹶敵兵來乘勝負未決
死捍御舟勢孤援絕大星曉殞汴水夜悲烈夫介士駢首
于危馬革之忠哀動宸極親奠以文賜之廟食載念艱虞
死者如生爰爰其靈官治其塋褒功有爵獎忠有謚匪榮一
時以勸百世壙有衣冠公始蓋棺英魂儼然玉帶貂蟬墓有
享堂公在中寢四時烝嘗來食來飲富陽之山鬱鬱松楸成
公之志真此高丘神道有碑龜趺螭首史臣勒銘永詔厥後

大明敕賜開國輔運推誠宣力武臣征西左副將軍
濟寧侯追封滕國公謚襄靖顯公神道碑

劉崧

自昔國家興王之地必有才武雄傑之士出於其間以替立
大功佐成大業為國虎臣享有祿位豈非天人交會之應哉
故征西左副將軍濟寧侯顧公名時字時舉世為臨淮人曾
祖千四府君以公貴贈鎮國將軍僉大都督府事護軍追封
睢寧縣子妣王氏封睢寧縣子夫人祖文俊累贈驃騎將軍
都指揮使護軍追封武陵伯妣林氏封武陵伯夫人考道祥
累贈祭祿大夫同知大都督府事柱國封濟寧侯妣雷氏繼
潘氏俱封濟寧侯夫人公志氣倜儻勇於有為元末政隳海
內大亂

皇上龍興淮甸思濟天下公以同里率先來附披堅執銳常
侍左右自歲甲午起兵西投和州東渡大江凡擊叛討逆開

疆拓境靡不率從始由百夫長轉陞元帥尋同知天策衛親軍指揮使司事繼調濠梁衛丙午詔與東平侯韓政取濠州破四門月城拔之洪武元年戊申從大將軍魏國公徐達北定燕薊拜驃騎上將軍副大都督府事兼同知

太子率府事三年庚戌論功行賞進號開國輔運推誠宣力武臣階榮祿大夫勲柱國職同知大都督府事爵濟寧侯食祿一千五百石賜以鐵券使子孫世襲焉明年辛亥授征西左副將軍由興元取四川入階州擒其梟將王進克文州綿州擊向家營寨破之又克漢州進圍成都僞夏丞相戴壽等望風款附比師入重慶其主明昇出降四川平五年壬子仍左副將軍從征虜前將軍曹國公李文中等分道入沙漠與大將軍期失道薄糧且盡士卒不能戰公奮引麾下數百

人躍馬大呼衝薄部落戰敗走之遂掠其輜重羊馬而還軍勢復大振七年甲寅從魏國公搃各衛兵出鎮北平益築堡障練士伍繕甲兵廣牧畜雖邊隅日靖晝夜從幕府吏深計遠筭常若寇至明年乙卯詔還尋有旨從魏國公仍出北平十二年己未秋遽邁奇疾藥弗能愈以是年冬十一月二十一日薨享年四十有六訃聞

上爲之震悼輟朝二日明年庚申春二月己卯公喪歸自北平舟行數千里迎祭墳道觀者感歎敕賜葬鐘山之陰

上親爲舉奠復定誌文以賜之明日詔贈特進光祿大

夫左柱國追封滕國公諡襄靖其始終榮寵可謂異數矣配李氏封濟寧侯夫人今封滕國公夫人子男四人長曰敬金吾前衛後千戶所鎮撫次曰英曰華曰苟爾女二人旣葬其

孤敬泣而請于朝曰惟先臣事

上二十餘年不幸蚤終顧神道之石銘文未勒敢援故事以請于以見聖朝眷待之厚且以慰先臣於地下也於是禮曹以為言詔可其請命禮部侍郎臣崧為之銘臣崧職在討論不敢以蕪陋辭謹狀次而書之且系以銘曰

聖人受命萬物咸覩乘時佐運各奮其武矯矯襄靖生于

帝鄉

帝猶龍飛雲從之翔自淮渡江首定建業公時左右執俘獻捷領兵東向遂夷月城電擊颯馳濠梁以清北收燕薊旋拜驃騎崇勲豐祿券鐵以誓乃命西討進自漢中取道階文山嶮水滾進圍成都作氣一鼓千夫投戈殄厥孱主既從征虜北度陰山擁槊奮呼出其險巖薄衝部落兔脫鷲擊掠其

牛馬還給軍食主將上功

帝憫爾勞四方既平汝弓其囊橐弓戢戈北守燕薊嚴其扃鐃式謹邊事涑水茫茫居庸閑閑馬絕南牧城無畫關公歸未期遂以訃告沿邊驚呼當守嗟悼襄靖有謚騰國爾封茅土新疏沛豐舊庸闡績著銘爰勒神道榮光自天天子有詔

大明敕賜開國輔運懋誠宣力武臣征南副將軍靖海侯追封海國公諡襄毅吳公神道碑銘

洪武十一年歲午前征南副將軍靖海侯吳禎奉詔出定遼是秋以疾聞

上遣暨馳驛視之弗能愈遂薨疾還京車駕幸其第問勞有加明年己未五月疾革以其月二十有六薨諡曰

上為之震悼輟朝二日 詔贈特進光祿大夫左柱國追封海國公諡襄毅仍 賜定鐘山之陰俾官給其事葬之目車駕臨奠加贈賻焉又明年庚申

上追念其勞爰 敕儒臣禮部侍郎臣崧撰文刻諸神道之碑以昭不朽臣崧奉 詔不敢辭乃追考公蹟紀載第而書之謹按公初名國寶後 賜名禎字幹臣姓吳氏世為濠之

定遠人自少時已卓犖有膽略及天下大亂從

上起兵里中即能知天命有在與兄江陰侯良俱隸麾下悉心委事焉自歲甲午乙未西克滁和東渡大江揚威振銳所向無敵由帳前都 先鋒為總管陞建興羽林院元帥尋為天興右翼副 元帥與良同守江陰每寇至擊走之首破偽吳張士誠水 寨擒其梟將朱定甲兵接英武衛指揮使

丙午寇出馬馱沙

上親督戰追至巫子門寇乘潮逆拒首尾相失公縱兵急擊之俘獲無算是秋從大將軍魏國公徐達率馬步舟師由巷口取湖州公勒奇兵出舊館扼之戰以大捷事平遂留戍焉吳元年丁未九月復從大將軍攻圍蘇州連破胥葑二門士誠就執公奉令撫循秋毫無所擾進僉大都督府事時方谷珍據明州未下

上以公為征南副將軍從御史大夫信國公湯和往平之公引舟乘潮夜入曹娥江夷坦通道出其不意直抵車廐會降者言方氏已潛挈家入海公領兵追於盪嶼與合戰自申至夜三鼓敗之盡獲其戰船人馬輜重而還未幾谷珍降有旨由海洋進取福州不數日奄至城下圍其西南水部三門

一鼓克之時僞平章陳友定據延平作亂明年洪武元年戊申進破延平擒友定閩海平公歸次昌國會海寇葉陳二姓聚劫蘭秀山公調兵立勦之三年庚戌朝廷定功行賞進開國輔運推誠宣力武臣榮祿大夫柱國吳相府左相靖海侯食祿一千五百石賜以鐵券使子孫世襲焉五年壬子詔大發兵東戍定遼命公總舟師數萬由登州轉運以餉之海道險遠人用艱虞公調度有方兵食充羨折衝風濤如履四達尋召還七年甲寅海上警聞公復領沿海各衛兵出捕至琉球大洋獲倭寇人船若干俘于京

上益嘉賴之常往來海道總理軍務至是歸自遼東而疾作不起矣公生以天曆戊辰六月二十一日塋以薨閏月十三日享年五十有二曾祖三七府君贈鎮國將軍僉大都督

府事護軍追封穎上縣子妣周氏追封穎上縣子夫人祖十一府君贈驃騎將軍都指揮使護軍追封延陵伯妣劉氏追封延陵伯夫人考似龍府君贈榮祿大夫同知大都督府事柱國追封渤海侯妣葉氏追封渤海侯夫人配李氏封靖海侯夫人子男五人長堅西安護衛鎮撫側室陶出也次忠羽林左衛鎮撫夫人李出也次端次洪五十皆庶出女十人其第五女許爲湘王妃尚在室惟公以驍勇之才際興王之會鐘英淮甸立勦遼海致位公侯而不矜不伐盡瘁所事真古之名將哉是宜銘銘曰赫赫景命大明當天帝業所基公侯出焉桓桓吳公有乞其勇勳瞻在筵玉立山聳元政不綱

帝憫下民爰揮天戈掃除妖氛始克滁和旋拔采石飛渡大江曾不終日公時在行兄弟齊一莫不率從于城是力

帝命汝禎言守江陰鄰敵授首遠人歸心南收丹陽東畧無錫建興策功英武踰職寇窺海口縱兵擊之風從潮生彼逆不支從攻吳興機畧周布捷出舊館柅其歸路進拔葑門東定姑蘇擒厥大酋獻于京都

帝念爾勞陞秩督府不曰四明亦肆違拒逆厲戈甲往貳征南挾潮而飛颺旗電帆捲金伐鼓壁其城下寇窮而連膽落萬馬躡景追風執訊凱還鯨奔鯢伏海濟雲鮮張方告平閩海方急千艘南馳殲彼勍敵三山旣隳延平遂通麾旄所指列郡來同公歸自南蘭秀連梗鋤而開之海道晒晒帝曰靖海實汝之功茲命汝侯往承其恭煇煇鐵券翼翼命

秩恩延子孫勳翼 王室載授征虜督餉定遼白粲連雲颺風不搖倭童踐危出沒大洋爰獸柵之

皇威以張茫茫遼海烈烈英勇武弘將畧茂對

天寵方召元老曹周世庸氣應德符千載一逢維天祐賢公宜永福何疾之嬰遽此不淑儀曹考行贈謚有光鐘山佳城天設地藏神道之左有石疑疑儒臣作銘昭示無極

皇明文衡卷之七十三

神道碑

大明勅賜故開國輔運推誠宣力武王侍進樂系大
夫右柱國衛國公追封寧河王諡武順鄧公神道碑

朱夢炎

洪武十年冬十有一月初九日開國輔運推誠宣力武臣特
進榮祿大夫右柱國衛國公鄧愈自河州召還至壽春以疾
薨訃聞

上哭之哀為輟朝三日詔追封寧河王諡武順其月十九日
柩車至三山門 車駕臨奠且親視其墓地而舊塋在鳳臺
鄉者狹隘弗稱

上乃遍覽傍近岡阜擇於城南西山之原寬平爽塏敕有司